

# E P I S C O P A T V S

## D V N E L M E N S I S.

**E**piscopatus Dunelmensis, vulgo *The Bishopricke of Durham*, sive *Duresme*, *Eboracen-*  
*sibus ad Septentrionem con-*  
*finis, in trianguli speciem ef-*  
*formatur, cujus apex ad Oc-*  
*casum coeuntibus ibi Sep-*  
*tentrionali limite & *Tes*is fon-*  
*tibus figuratur. Laterum alterum quod Meri-*  
*diem spectat, continuo *Tes*is cursu termina-*  
*tur: alterum quod Boream intuetur, primum*  
*brevi ab apice linea ad *Derwentum* flumen, inde*  
**Derwent* ipso, donec *Choppell* amniculum ad-*  
*miserit, & deinde *Tina* flumine describitur.*

*Basim vero trianguli, quæ *Ortum* respicit, ora*  
*maritima affingit, quam magno fremitu *Oceanus**

*Germanicus* gravissime diverberat.

Qua in apicem coarctatur, campi sunt nudi, sylvæ satis raræ, colles glabri, sed non sine ferri venis, convalles autem satis graminosæ, Anglia enim Appenninus, quem dixi, hunc angulum intersecat. Ad Orientalem autem partem, sive trianguli basim, uti etiam ad latera, culturæ terra est perquam grata, redditusque cum agricolarum labore contendunt, pratis, pascuis, arvis distincta, oppidis passim consita, & carbone fossili, quo pro ignis alimento plurimis in locis utimur, copiosa. Carbonem hunc aliqui bitumen terrenum nigrum, alii *Gagatem*, alii *Thracium* lapidem esse volunt, quæ omnia eandem rem esse probavit magnus ille in rebus Fossilibus philosophus Georgius Agricola. Certe hic noster nihil aliud est quam bitumen calore sub terra induratum, & excoctum, bituminis enim odorem reddit, & si aqua aspergatur, acrius & luculentius ardet, an vero oleo extinguitur non sum expertus. Si vero obsidianus lapis apud nos sit, illum esse credam qui aliis Anglia locis reperitur, & *Canole Cole* vulgo appellatur: est enim durus, splendidus, levis, & assulatum subscissilis, accensusque cito ardet. Sed haec illis, qui naturæ penetralia penitus rimantur, relinquamus.

S. Cuthberti patrimonium. *Obsidianus lapis.* *Canole Cole*. *S. Cuthberti Terram*, sive *Patrimonium* vocant in suis scriptis Monachi. Sic enim vocarunt illi, quicquid ad Dunelmensem spectavit Ecclesiam, cuius Cuthbertus quasi patronus habetur, qui in prima Saxonica ecclesia infantia Lindesfarnensis Episcopus vitam tanta sanctitate, & integritate transfigit, ut inter Divos relatus fuerit. Regesque nostri, & proceres, quod tutelare illum fuisse Divum contra Scotos crediderint, non solum ejus corpus devoti sæpenumero inviserint, quod integrum incorruptumque durasse persuaserunt scriptores; sed etiam amplissima latifundia donarint, & plurimas immunitates irrogant. Egfridus Rex magnos redditus in ipsa urbe Eboraco, *Crecam*, quam dixi, & *Luguballiam* civitatem ipsi Cuthberto vivo dedit, ut est in hi-

storia Dunelmensi. Alfredus Rex, & Guthrunus Danus, quem ille Nordanhumbris præfecit, postea totam terram inter *Were* fl. & *Tinam* (libri antiqui verbis utar) Cuthberto, & in ejus ecclesia ministris perpetuo possessionis jure largiti sunt, ex qua illis, ne impia laborarent, vita subsidia procurentur; præterea ejus ecclesiam tutum profugis locum refugii constituerunt, ut quicunque, qualibet de causa ad ejus corpus confugerit, pacem per triginta septem dies nulla unquam occasione infringendam habeat. Edwardus, Athelstanus, Reges, & Cnuto, sive Canutus Danus, qui nudis pedibus ad Cuthberti tumulum accessit, has leges & libertates non modo confirmarunt, sed statim auxerunt: nec minus Guilielmus Normannus, à cuius statim tempore Comitatus Palatinus judicatus est, & Episcopi nonnulli tanquam Comites Palatini sigillo insculpsérunt mi-

Comita-  
tus Palati-  
nus.

litem cataphractarium phalerato equo insidentem altera manu gladium vibrantem, altera insignia Episcopatus prætentem. Iuraque sua regalia habuerunt Episcopi, adeo ut proscriptorum bona illis, non regi cederent, & ipsa plebs immunitatibus elata militare in Scotia sub rege recusarit. Dicebant enim (historia Dunelmensis pro me loquetur) se esse *Haltwerke Folkes*, id est, sacro operi ascripti, & terras suas tenere ad defensionem corporis S. Cuthberti, nec debere se exire terminos Episcopatus, scilicet ultra *Tinam* & *Teisam*, pro rege, vel episcopo. Verum Edwardus Primus has libertates primus præcidit. Cum enim ille se tanquam arbitrum honorarium inter Antonium Beccum Episcopum & Priorem, de possessionibus inter se acriter digladiantes interponeret, nec illi ex ejus arbitrio facerent se ifvit (inquit author meus) libertatem Episcopatus in manum suam, & ibi rimata sunt multa, & liberias in multis lisa. Iura tamen sua postea recuperavit ecclesia, illæsaque tenuit usque ad Edwardum Sextum, cui, dissoluto Episcopatu, omnes ejus redditus, & libertates, ordinis in Parlamento concesserunt. Sed statim Maria Regina eadem autoritate hanc constitutionem refixit, & omnia sarta tecta ecclesiæ restituit, quibus hodie gaudet. Nuper enim Iacobus Pilkintonus Episcopus REGINAM ELIZABETHAM de possessionibus & bonis Caroli Nevill Comitis Westmorlandiæ, & aliorum in hoc agro proscriptorum, qui in patriam bellum nefarie moverant, in jus vocavit, caussamque persequutus esset, nisi authoritas Parlamentaria intercessisset, & pro eo tempore (sic se habent verba) Reginæ adjudicasset, quod impensis suis maximis cum episcopum tum episcopatum è seditionis fauibus eripuisset. Sed his omissis ad locorum descriptionem jam stilum promoveamus.

Flumen quod Meridionalem hujus agri partem vallat, Latinis *Tes*is & *Teso*, vulgo *Tees*, Po- Tees fl. lidoro Italo, cui suæ Italæ *Athesis* animo obver- sabatur, sine ulla ratione *Athesis* dicitur, Ptolemæo

TO r-